

Te Toa Takitini

Registered at the G.P.O as a Newspaper.

Te Utu mo te Pepa 6/6 i te tau.

Me penei nga reta "Te Toa Takitini" Box 300, Hastings.

NAMA 14

HASTINGS

HEPETEMA 1, 1922

Te Pooti Mo Te Ingoa o Te Pepa.



ANUI te whakamihi atu o ta koutou tamaiti ki ona rangatira maha o ia marae o ia marae mo to koutou whakaaro nui mai ki a ia i te wa i kimihiia ai he ingoa tuturu e te motu katoa mo te tamaiti nei. Huihui katoa nga reta i tae mai 22I. I runga i te tono mai a Ngapuhi me te Tairawhiti kia kaua e tere te kati i te ra pooti i te he o nga meera ki o ratou takiwa, waiho ana te pooti kia puare ana tae noa ki tenei re 29 o ngara o Akuhata nei. Kua tae katoa mai nga pooti inaianei a kua taua katoatia. Ko te whakatoputanga tenei o nga pooti :—

TE TOA TAKITINI, 82.

TE RONGO PAI, 9

TIRITI O WAITANGI, 63.

TE KUKUPA, 6.

HOKOWHITU-A-TU, 12.

MAUI, 6.

Ko etahi a nga ingoa he 5 he 4 hoki iho ki te kotahi Kua nui nga whakamarama mo nga ingoa nei, no reira kaore te Etita e whakaapiapi i nga wharangi o te pepa kei kore e whai ruuma mo nga korero hou. Heoi kia ora katoa koutou i tukutuku mai nei i a koutou ingoa. Ko nga tangata enei i waimarie ki te tapa i te ingoa i wiini i te pooti: Rotia Hone, H. Tiopira, Canon Pahewa, Tawhanga Eruera, Horomona Hiniona, Keepa Winiata, Mihaere Tamaiwaea, W. Maihi Ereata. Ko te rima tau hei rerenga atu mo te pepa mo te kore utu, ka wahia kia koutou toke-waru, ara e waru marama a Te Toa Takitini e tu ana ki o koutou marae kaore he utu ki a koutou. Kia ora koutou katoa.